

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum volumen tripartitum**

**Creidius, Hartmann**

**Francofurti ad Moenum, 1682**

De secundo

[urn:nbn:de:bsz:31-122776](#)

suam sponsam Christus complectitur, ceu Jacob Rahelem, Gen. 29. v. 20. 28, & David Michol Saulis filiam, 1. Sam. 18. vers. 27. nam proprio sanguine redemit illam, Act. 20. vers. 28.

Notetur hoc in consolationem. Quod si enim Christi sponsa sumus, utique Deus Pater erit sacer noster, qui de necessariis omnibus nobis prospiciet. Deus Filius erit maritus noster, qui potenter nos defendet: Deus Spiritus S. erit amicus noster, qui gratiosè nos diriget. Sancti Angeli erunt custodes ministri nostri, qui in manibus suis portabunt nos, & adversus hostes nostros dimicabunt. Gloria sit in excelsis Deo, misericordia ejus à progenie in progenies, Luke 2. v. 14.

III. Epuli sufficientia, quæ appareat ex Regis instructione, qui servos suos ablegat, ut dicant invitatis: Ecce prandium meum paravi, tauri mei & altilia occisa sunt, & omnia parata. Hoc est convivium illud pinguium, medullatorum, convivium vini defecati, Es. 25. vers. 6. quo agnus ab origine mundi occisus apponitur, Apoc. 3. vers. 8. ut carnem ejus edamus, & sanguinem ejus bibamus in remissionem peccatorum, Matth. 26. v. 26. seqq. non opus est, ut aliquid afferramus de nostris meritis, omnia enim iam tum parata sunt, siquidem ante iacta mundi fundamenta Deus nos elegit, & prædestinavit in adoptionem filiorum per Jesum Christum in seâ, secundum propositum voluntatis suæ, Ephes. 1. v. 4-5, cum nondum nati, nec aliquid vel boni vel mali egissimus, Rom. 9. v. II.

IV. Loci congruentiam, ubi nuptiae hæ celebrantur, nimirum in regno cœlorum, per quod intelligitur Ecclesia, ubi Deus reñder tanquam Rex inter subditos, Lev. 26. v.

v. 11. & privilegia sua distribuit fidelibus, justitiam scilicet, pacem & gaudium, Rom. 14. v. 17.

Quoties igitur visitas Ecclesiam, toties in eo loco compates ubi Deus regalem mensam apparavit, & gratiâ suâ te cibare & satiare deliderat, Exod. 20. v. 24. Quid tergiversaris? Regnum Dei intra nos est, Luc. 17. v. 21. non opus habes ascendere cœlum, verbū prop̄ est in ore & in corde tuo, nempe verbum fidei quod prædicamus, Rom. 10. v. 8. Ergo votum Davidis quotidie ingemina: Unicum petii à Domino, &c. Ps. 2. v. 4.

### De Secundo.

V Idimus nuptiarum præparationem, succedit hospitium invitatio, ubi duo potissimum consideranda occurunt:

#### I. Invitantis bonitas, quam probat

1. Servorum missio. Per servos intelliguntur Prophetæ, Apostoli & omnes fides eorundem successores, quos adhuc hodie Deus emittit, ut ad nuptias filii sui nos invitent, & omnibus ubique hominibus annuncient ut agant pœnitentiam, Act. 17. vers. 30. quia enim non vult ullos perire, sed omnes ad agnitionem veritatis pervenire, 1. Tim. 2. v. 4. tota die expandit manus suas ad populum immorigerum, Esa. 65. v. 2. & manè surgendo nuncios suos mittit, ut parcat populo suo, 2. Chron. 36. v. 15.

#### 2. Terna vocationis repetitio, quæ facta

1. In Adamo, cui Deus post lapsum sese per verbum Evangelii patefecit, sed Cain statim ab Ecclesia vera per fratricidum separavit seipsum, & novos cultus instituit, quos secuti sunt quidam ex posteris Patriarcharum, Genes. 6. v. 2.

2. in Noacho & filiis ejus post diluvium, ex quibus omnes populi originem trahunt.

Ibi

Ibi Deus secundà vice totum mundum vocavit, & voluntatem suam Noacho & filiis ejus revelavit, Gen. 9. v. 1. seqq. Debuerunt igitur puritatem illam doctrinæ conservare, & ad omnes posteros propagare, sed ex superbia extirpant turrim Babyloniam & à veritate verbi ad idolatriam Ethanicam se convertunt, Gen. 11. v. 4.

3. *Sub exordium N.T.* ubi Christus Apostolos suos ablegavit ad compita viarum, id est, in totum terrarum orbem, Matth. 28. v. 19. & ipsi mandato mandato huic obtemperantes prædicaverunt Evangelium omni creaturæ Marc. 16. v. 15. nam fructificavit Evangelium in toto mundo, Col. 1. vers. 6. quod verò posteri ipsorum, quibus Apostoli prædicarunt, hanc puritatem verbi amiserunt, sibi ipsis & suis majoribus imputent, quorum ingratitudinem ex justo iudicio Deus hâc ratione punit, Amos 8. v. 11. 2. Thess. 2. v. 10. II.

3. *Lauta instrucción.* Nam servi in mandatis accipiunt dicere invitatis: Omnia parata sunt. Ergò nuptiarum harum apparatus est ipsa mors & passio Christi, totumq; ipsius meritum per verbi & Sacramentorum gratiam nobis oblatum. Hinc primi nuntii, hoc est, Prophetæ non dixerunt: Tauri & altilia occisa sunt & omnia parata, sed variis duntaxat Prophetiis Judæos ad nuptias invitarunt. At secundis, id est, Apostolis non modò injungitur ad nuptias invitare, sed invitatis etiam dicere, omnia parata esse, Messiam scilicet, quem expectaverant, jam advenisse, crucifixum, mortuam, resuscitatum esse, omnia denique, quæ ad hominum salutem necessaria videbantur, esse præparata.

Quanto, Deus bone, gaudio Sancti Patres hanc invitationem exceperint & Fuerint

quidem invitati, & nondum omnia parata erant. Nam mortui sunt in fide, non acceptis promissionibus, sed à longè eas adspicientes, Eb. 11. v. 13 quo nomine Christus præ Regibus & Prophetis V. T. beatos prædicat Apostolos suos, Luc. 10. v. 23. seqq.

II. *Hospitum diversitas.* Non enim sunt unius generis, sed

1. *Quidam renuentes,* qui simpliciter venire nolunt, & nullam causam prætendere possunt. Tales sunt Epicuri de grege porci, qui neq; Deum curant, neq; Diabolum, sed more pecudis absq; pœnitentia in diem vivunt, ut antediluviani, Gen. 6. v. 3. Sodomitæ, Gé. 19. v. 9. auditores Esaiæ, c. 42. v. 20. & Jeremiæ, c. 44. v. 16. & adhuc hodie omnes illi, qui blandas munistrorum Ecclesiæ invitationes & admonitiones alto quasi supercilie contemnunt, & charitatem veritatis non accipiunt, ut salvi fiant, 2. Tess. 2. v. 10. sed videbunt olim, in quæ pupugerunt, Zach. 12. v. 10. juxta severam Dei comminationem, Prov. 1. v. 24.

2. *Quidam negligentes,* v. 5. Per hos denotantur, qui terrena cœlestibus, curam corporis curæ animæ, creaturem Creatori præferunt, quos Paulus vocat τὰ ἐπιγεία φορετας, Phil. 3. v. 19. contra ordinem, à Christo præscriptum, Matth. 6. v. 33.

3. *Quidam percutientes.* Summa certè ingratitudo, quæ tamen mundo perquam familiaris est, siquidem omnes Prophetæ & Apostoli hanc sortem experti sunt, Ebr. 11. v. 36. seq. Cavete dilecti, cavete, ne peccatis veltris hoc insuper addatis, sunt enim Legati Dei, 2. Cor. 5. v. 20 Ergò injuria ipsis illata in Deum, à quo dependet, redundat, Luc. 10. v. 16. & si ingemiscunt in officio suo, auditoribus hoc bonum non est, Eb. 13. v. 17.

4. *Quidam veste nupciali carentes.* Ve-

stis

stis illa nihil est aliud, quā fides in Christum, quae per charitatem sese exerit, Gal. 5. v.6. Hac ueste destituti sunt hypocrita, qui vocati se quidē sistunt, sed μη φωνῶν tantum habent τῆς ἐυρεθείας, 2. Tim. 3. v.5. ideoque Deo grati non sunt, Job. 13. v.16.

Caveamus igitur ab hypocrisi, & non labiis tantum, sed corde etiam Deo appropinquemus, aliās totus cultus noster frustaneus erit, Matth. 15. v.9.

### De Tertio.

**S**uperest Regis indignatio, quam concipi ob summam hospitum invitatorum ingratitudinem, ubi duo potissimum notanda veniunt:

1. *Ira vehementia*, v. 7. quæ insustentabilis est, ut inquit Manasses in oratione sua, & ardet usq; ad inferni novissima, Deut. 32. v. 22. terreni Regis ira est prodromus mortis, Prov. 16. v. 14. quanto magis igitur Rex ille Regum timendum erit, qui corpus & animam potest perdere, Matth. 10. v. 28.

2. *Pœna competentia*. Punit enim contemptores gratiæ suæ

1. *Marte*, dum exercitum suum emitit, sub quo omnes Creaturæ militant, Sir. 40. v.33. seqq. Ps. 148. v.8. in primis autem hoc nomine intelliguntur, exercitus bellici, quando vocat ex locis dissitis, vel Nebucadnezares, Jer. 25. v.9. vel præparatos à se Medos & Persas, Es. 13. v.3. hæc est virga ferrea, quā omnes contemptores verbi & Sacramentorum disperderet, Psal. 2. v.9.

2. *Morte*. Quia enim servos ejus occident, jure talionis ipsos gladio mactandos iterum subjicit. Nam pretiosus sanguis eorum coram illo, Ps. 72. v.14. qui tamdiu clamat de terra, dum vindictam imperat, Apoc. 6. v.10.

3. *Igne*, quo civitatem eorum succedit. Hanc pœnā experti sunt Sodomitæ, Gen. 19. v. 24. Cives Hierosolymitani, Luc. 19. v. 44. de quo excidio Dominica X. post Trinitatis in Ecclesia dici solet, & nos ipsi perturbatis hisce temporibus, ubi multæ populoꝝ urbes, pagi & oppida in cineres redacta & cōbusta sunt propter contemnum verbi Dei, quem hoc modo etiam Deus punire solet. Nam ignis etiam ad vindictam creatus est, Sir. 40. v.35.

4. *Fune*. Postquam enim hospites contemplatur, & offendit unum, qui vestem nuptialem non habebat, præcepit servis & ministris suis: Ligate huic manus & pedes, & mittite eum in tenebras exteriores, ubi erit fletus & stridor dentium. Multi enim sunt vocati, pauci vero electi.

Hæc est descriptio æternæ damnationis, quæ omnes hypocritas manet, ubi sentient

1. *Vinculorum dolorem*. Quia enim hic traxerunt iniuriam in funib; vanitatis, & quasi funib; plaustris peccatum, Es. 5. v. 18. ligabuntur etiam catenis noctis, & detraciti in tarrarum omnibus diabolis excrucianti tradentur, 2. Pet. 2. v.4.

2. *Dentium stridorem*. Unde colligitur, quod in inferno non tantum sit ignis, sed etiam frigus intensissimū, quo damnati alternis vicibus cruciabuntur, inò omnes omnino cruciatus ibi convenient, dolor capitis acerrimus, dolor dentium gravissimus, dolor stomachi, dolor podagre, &c. hinc infernus dicitur ὄλεθρος καὶ αἰώνιος, ein Ort da alles zu Grund verderbt ist! 1. Tim. 6. v.9.

3. *Ejulatus clamorem*, non solum aetive, quia ipsi ejulabunt, sed etiam passive, quia audire cogentur ejulatus condemnatorum per infernales plagas late reboantes, quid profuit nobis superbia, &c. Sap. 5. v.8.